

Kev Pab Txog Vaj Tse nyob rau ntawm Mental Health Services Act (MHSA)

Leb 3 Hlis Xyoo 2014, Nthuav Tawm #CM35.09

1. Kev pab txog vaj tse tag mus li yog dab tsi?

Kev pab txog vaj tse tag mus li yog cov tsev uas pheej yig kom them taus los pab rau cov neeg khwv tau nyiaj tsawg uas muaj kev xiam oob khab uas tsis muaj tsev nyob los yog tsam ho tsis muaj tsev nyob. “Tag mus li” pes tau hais tias nyob ntev li cas los tau. Koj nyob tau ntawm qhov chaw no tsuav koj ua raws nraim li cov kev cai nyob rau ntawm daim ntawv sib cog lus xauj tsev nyob.

2. Lub koos haum MHSA puas pab them nqi vaj tse?

Pab. Nyob rau xyoo 2006, lub koos haum MHSA Housing Program tau txais \$400 million los kho los yog los tsim cov tsev nyob tag mus li los pab rau cov neeg uas xiam oob khab yeeb vim muaj tus kab mob rau hauv lub hlwb. Txawm hais tias txoj kev pab no yog ib txoj kev pab nyiaj txiag tseem ceeb rau txoj kev pab txog vaj tse, cov kev pab no txawj tag. Txoj kev pab no lub hom phiaj yog tsim kom tau 10,000 chav nyob tag mus li. Tab sis, nyob rau thaum lub 4 hlis, xyoo 2013, lub xeev chav Department of Health Care (DHCS) nthuav tawm hais tias lub hom phiaj yog 2,500 chav xwb, hos ntawm 1,095 chav no yeej npaj tiav hlo rau neeg los nyob lawm. DHCS kuj tseem tau nthuav tawm hais tias tag nrho ntawm cov nyiaj uas muaj \$117,496,607 nyob rau MHSA cov nyiaj txiag tau muab siv tag rau thaum lub 3 hlis, xyoo 2013 lawm.

3. Leej twg thiaj li yuav tsim nyog tau txais kev pab txog vaj tse los ntawm MHSA?

MHSA txoj kev pab txog vaj tse xaiv kev pab pub rau cov neeg uas khwv tau nyiaj tsawg thiab leej twg uas tsis muaj tsev nyob los tsev twb yuav poob. Kev tsim nyog mas koj yuav tsum yog ib tus neeg laus uas muaj tus kab mob rau hauv lub hlwb nyhav los yog koj yog ib tug menyuam los yog cov tub hluas ntxhais hluas uas muaj kev nyuaj siab loj hlob heev, uas lav paub los ntawm txoj kev cai li choj ntawm lub xeev.

4. Leeg twg thiaj li yuav ntaus nqi tau hais tias yog tus neeg “tsis muaj tsev nyob”?

Tus tib neeg uas nyob rau cov kev tsav tsheb los yog tsis muaj thiab ib qho chaw los yog ib qhov chaw pw txhua hmo ntawm ib lub tsev twg ces ntaus nqi tau hais tias tus neeg ntawv tsis muaj tsev nyob. Ntaus nqi tau hais tias “tsis muaj tsev nyob” yog xws li nyob tom chaw so, motel, los yog lwv cov chaw uas nyob ib ntus xwb yam tsis muaj cai ib yam li cov neeg nyob lub tsev ntawv.

5. Leej twg thiaj li ntaus nqi tau hais tias “tsam tsis muaj tsev nyob”?

Tsam tsis muaj tsev nyob xws li yog cov nqe lus hauv qab no:

- a. cov tub hluas ntxhais hluas uas hloov chaw nyob ntawm cov neeg saib xyuas menyuam los yog chav hais plaub rau menyuam yaus;
- b. cov neeg uas raug tso ntawm los ntawm cov chav nyob rau cov neeg raug tsim txom los yog hloov qhov chaw nyob zoo li ntawv;
- c. cov neeg raug tso tawm los ntawm cov tsev kho mob;
- d. cov neeg raug tso tawm los ntawm cov tsev tu neeg laus uas muaj ntawv kawm tawm los tu pab kho cov neeg uas muaj tus kab mob rau hauv lub hlwb;
- e. cov neeg raug tso tawm los ntawm cov tuam tsev pab kho cov neeg muaj tus kab mob rau hauv lub hlwb; thiab
- f. cov neeg raug tso tawm los ntawm lub nroog los yog lub zej zog cov tsev kaw tib neeg.

6. Hom tsev twg yog hom uas tseem tsis tau muaj neeg nyob?

Lub koos haum MHSA Housing Program muaj kev pab rau cov tsev xauj nyob thiab cov tsev koom nrog lwm tus nyob. Tej zaum koj tsim nyog nyob ntawm ib chav tsev los yog ib hoob ntawm ib lub tsev twg.

7. Ho muaj hom kev pab txhawb zoo li cas?

Txhua daim ntawv thov tuaj rau hauv lub zej zog txoj kev pab los ntawm MHSA Housing Program cov nyiaj txiag yuav tsum muaj daim ntawv teev txog kev npaj los pab rau hom kev pab zoo li cas. Xws li kev pab los tiv thaiv txoj kev puas tsuaj, kev sib txhawb siab los ntawm ib phaum tib neeg, los yog nrog cov neeg tham txog kev nyuaj siab uas muaj kev pab rau pej xeem. Cov kev pab no yuav ua kom cov neeg uas tsim nyog tau kev pab ua lawv lub neej nyob rau hauv lub zej zog yam tsis tas siv lwm tus neeg los pab. Koj muaj cai txais los yog tsis txais cov kev pab no thiab yuav tsis muaj qhov kev plam koj lub tsev.

8. Qhov nqi pab txhawb txog vaj tse no yuav raug ntau npaum li cas rau tus neeg uas nyob hauv lub tsev no?

Nqi xauj tsev no mas nyob ntawm saib yog hom tsev zoo li cas thiab saib lawv muab ua ntaub ntawv pab them li cas. Feem ntau, nqi xauj tsev yuav tsis tshaj li ntawm 30% ntawm tus neeg xauj tsev qhov nyiaj hli. Mus cuag lub koos haum MHSA Housing Program, los yog chav pab rau cov neeg muaj kab mob rau hauv lub hlwb los yog kab mob ua rau lawv tus cwj pwm uas nyob rau hauv nej lub zej zog, kom tau cov xov kom mee txog cov nqi.

9. Leej twg yog tus neeg los txiav txim siab saib leej twg thiaj li tsim nyog tau txais kev pab txog vaj tse?

Koj lub zej zog chav tswj kev muaj tus kab mob rau kev tswj tus cwj pwm los yog tus kab mob rau hauv lub hlwb yuav qhia tau saib koj puas tsim nyob tau txais kev pab.

10. Kuv yuav thov tau kev pab txog vaj tse tau li cas?

Hu rau cov chav pab rau cov neeg muaj tus kab mob rau kev tswj tus cwj pwm los yog tus kab mob rau hauv lub hlwb nyob ib ncig ntawm koj txog saib yuav thov kev pab los ntawm MHSA kev pab txog vaj tse nyob rau qhov chaw ntawm koj nyob ko. Mus saib hauv computer txog cov xov tooj ntawm lub zej zog cov

chav pab rau txoj kev muaj tus kab mob rau hauv lub hlwb:
<http://www.dmh.ca.gov/docs/CMHDA.pdf>

11. Tsam cov tsev ntawm MHSA txoj kev pab txog vaj tse puv tag lawm ne?

Lub koos haum MHSA npaj tsim kom “muaj nyiaj txiag los ntawm lub xeev thiab cov zej zog kom txaus los pab rau cov menyuam thiab cov neeg laus uas qhia tau hais tias lawv yog leej twg thiab cuv npe nkag rau txoj kev pab no.” Tab sis, yog hais tias cov kev pab txog vaj tse no puv tag lawm, cov zej zog mam li cuv npe tos rau cov neeg uas tsim nyog tau kev pab thaum twg qhib txoj kev pab dua. Hu rau cov chav pab rau cov neeg muab tus kab mob rau kev tswj tus cwj pwm los yog tus kab mob rau hauv lub hlwb nyob ib ncig ntawm koj txog kev mus cuv npe tos txoj kev pab uas nyob cheeb tsam ntawm koj.

12. Kuv puas yuav ua tau li cas yog hais tias lub zej zog tsis pom zoo rau kuv txoj kev thov los pab txog vaj tse no?

Tau, koj muaj cai kom lawm sau ntawv tuaj qhia saib lub zej zog txoj kev txiav txim li cas es leej twg thiaj li yuav tau kev pab txog vaj tse los ntawm lub koos haum MHSA. Koj muaj cai nug saib lub zej zog puas muaj Qhov Txheej Txheem Los Daws (Resolution Process) kev pab ntawm lub koos haum MHSA los daws thaum txiav txim hais tias tsis tsim nyog tau kev pab los ntawm koos haum MHSA txoj kev pab txog vaj tse. Yog hais tias koj lub zej zog tsis muaj Cov Txheej Txheem Los Daws (Resolution Process), koj muaj cai thov kom lawv tsim cov txheej txheem ntawv. Koj kuj mus hais rau pawg neeg saib xyuas txoj kev tswj tus kab mob rau hauv lub hlwb thiab tus thawj tswj. Txuas ntxiv, koj muaj cai mus caug ib tus neeg sawv cev los yog tus kws lij choj los mus pab koj.

13. Kuv yuav mus nrhiav cov xov kom paub txog lub koos haum MHSA Supportive Housing tshaj ntawm qhov twg?

- Koj mus nrhiav tau cov xov txog lub koos haum MHSA kev pab txog vaj tse ntawm lub zej zog chav pab kho tus kab mob rau kev tswj tus cwj pwm los yog tus kab mob rau hauv lub hlwb.
- Lub Xeev California Chav Tswj Nyiaj Txiag Rau Kev Kho Mob (California Department of Health Care Financing) nthuav tawm Cov Kev Qhia (Tool

Kit) txog koos haum MHSA kev pab txog vaj tse:

<http://www.dhcs.ca.gov/services/MH/Documents/MHSAToolkit-Final.pdf>.

- Lub Xeev California Chav Tswj Nyiaj Txiag Lub Koos Haum (California Housing Finance Agency) kuj muaj xov qhia txog haum MHSA kev pab txog vaj tse:

<http://www.calhfa.ca.gov/multifamily/mhsa/process/MHSABackground.pdf>

- Yog xav tau xov tshaj no txog nqee yam kev pab uas lub koos haum MHSA tau pab nyiaj txiag, mus saib ntawm:

<http://www.calhfa.ca.gov/multifamily/mhsa/projects/index.htm>

Peb xav hnov los ntawm koj! Tom qab uas koj nyeem daim ntawv qhia txog qhov tseeb no thov los teb cov lus luj thiab qhia saib koj ho xav li cas.

Siv lus Meskas: <http://fs12.formsite.com/disabilityrightsca/form54/index.html>

Siv lus Mev: <http://fs12.formsite.com/disabilityrightsca/form55/index.html>

Disability Rights California tau txais kev pab nyiaj txiag los ntawm nqee cov kev pab, yog xav pom txhua tus neeg uas tau pab nyiaj txiag, mus saib ntawm <http://www.disabilityrightsca.org/Documents/ListofGrantsAndContracts.html>.

The California Mental Health Services Authority (CalMHSA) yog ib lub koos haum of zej zog los ua hauj lwm siv zog los pab kom cov neeg uas muaj tus kab mob rau hauv lub hlwb kom tau zoo, zoo rau lawv tsev neeg thiab zoo rau cov zej zog. Kev txwv thiab Kev Tiv Thaiv Thaum Ntxov (Prevention and Early Intervention) yog tsim los ntawm CalMHSA tau txais kev pab nyiaj txaig los ntawm cov zej zog uas cov neeg npav tau muaj kev pom zoo rau tsab cai Mental Health Services Act (Prop 63). Prop. 63 tsim kom muaj nyiaj txiag thiab kom muaj kev tswj kom nthuav txoj kev pab rau cov neeg muaj tus kab mob rau hauv lub hlwb kom dav rau pawg neeg uas tsis muaj neeg sawv cev rau thiab txhua lub zej zog uas muaj hom neeg tsawg uas nyob rau hauv lub xeev California.



WELLNESS • RECOVERY • RESILIENCE

